

इवनिंग डोगरी न्यूज बुलेटिन

समे .18:15 Hrs

<><><><><>

Headlines

- 1.समूलचे जम्मू खिते च आतंकवाद विरोधी अभियान चलाया गेआ, पुलिस नै नेकें थाहें पर छापेमारी कीती।
2. जल जीवन मिशन तैहत जम्मू-कश्मीर च 81 फीसद घरें च नलकें राएं पानी पुज्जा, श्रीनगर ते गांदरबल च 100 फीसद लक्ष्य हासिल।
3. भारती वायु सेना नै 93में-मी ब' रेगंड दे उपलक्ष्य च गुवाहाटी च पैहले पूरे पराते एयर शो दा सरिस्ता कीता।
4. बी.एस.एफ महानिदेशक नै जम्मू मैराथन दी नुमायंदगी कीती। आपरेशन सिंदूर मगरा पैहली सार्वजनिक कार्यक्रम।
5. फिल्मी कलाकार सुनील शेटी होरें आखेआ जे बालीवुड शूटिंग लेई कश्मीर परतौने लेई तैयार।

<><><><><>

Anti Terror Ops

जम्मू-कश्मीर पुलसै रामबन, डोडा ते किश्तवाड़ जिलें सने समूलचे जम्मू संभाग दे बक्ख-बक्ख इलाकें च आतंकवादियें ते उन्दे समर्थकें खलाफ अपनी कार्रवाई गी होर तेज करी दिता ऐ। रामबन पुलस नै इक सोशल मीडिया पोस्ट च इस बारे जानकारी दिंदे होई आखेआ जे इलाके च आतंकवादी गतिविधियें गी रोकने दे मकसद कन्नै ओवर ग्राउंड वर्करें आस्तै घेराबंदी ते तपाशी अभियान चलाए जा करदे न। एह अभियान उनें आतंकवादियें ते उन्दे सहयोगियें खलाफ चलाए जा करदे न, जेहड़े पाकिस्तान च बैठे दे हुकमरानें दे भैड़े मंसूबें गी पूरा करने लेई इत्थे आतंकवादी गतिविधियें गी अंजाम देने दी कोशिश करा करदे न। इस्से चाल्ती डोडा ते किश्तवाड़ पुलस नै बी ओवर ग्राउंड वर्करें ते आतंकवाद सहयोगी संगठन खलाफ बड़्डे पैमाने पर अभियान शुरू कीते दा ऐ तां जे खिते थमां नेटवर्क गी पूरी चालती खत्म कीता जाई सकें। नेकें थाहें पर तपाशी जारी ऐ ते होर ब्यौरे गी अजें बलगेआ जा करदा ऐ। तोअई, डोडा वेस्ट थमां विधायक शक्ति राज परिहार होरें पुलिस दी इस गेंs दा सोआगत कीता। उनें गलाया

<><><><><>

SIA-Narco

राज्य जांच एजेंसी एस.आई.ए जम्मू-कश्मीर नै मुम्बई ब्हाई अड्डे थमां नशीले पदार्थ कन्नै सरबन्धत आतंकवाद माइयूल दे सरगना दी गिरफ्तारी कन्नै इक बड़्डी कामयाबी हासल कीती ऐ। इक सोशल मीडिया पोस्ट च एस.आई.ए नै दस्सेआ जे पुंछ हवेली तहसील दे देगवार-तेरवान ग्रांठ दा बसनीक मोहम्मद अरशद दर्ज आसिफ जोड़ा 2023 थमां फरार ते साउदी अरब थमां अपनी गतिविधियां चला करदा हा, उसी हिरासतें च लैता गेआ ऐ। ओह नार्को टैरर माइयूल दा सरगना ते पाकिस्तान स्थित नशीले पदार्थ दा कारोबार करने आहले ते जम्मू-कश्मीर च नार्को टैरर गुर्गे बश्कार इक मुख कड़ी हा। एहदे शा पैहले ओहदे खलाफ इक्क लुक आउट सर्कुलर ते गैर जमानती वारंट जारी कीते गेदे हे। औहदी गिरफ्तारा नशीले पदार्थ कन्नै सरबन्धत आतंकवाद खलाफ एस.आई.ए दी बड़्डी कामयाबी ऐ।

<><><><><>

जम्मू-कश्मीर च 81 प्रतिशत थमां बद्द ग्राएं-मोहडें आहलें घरें च नलके रायं पीने आहले पानी दे कनेक्शन उपलब्ध करोआई दिते गे न। श्रीनगर ते गांदरबल जिलें 100 फीसद लक्ष्य हासिल करी लैता ऐ। आकाशवाणी दे जम्मू संवाददाता मुजब केंद्र शासित प्रदेश दे 19.26 लकख ग्रामीण घरें चा 15.63 लकख घरें च नलकें दे कनेक्शन दिते जाई चुके दे न। बाकी दे 3.63 लकख घरें गी पहलियें स्कीमें तैहत लाए गेदे सार्वजनिक नलकें राएं पानी थोंदा ऐ। जल शक्ति मैहकमे नै दस्सेआ जे जल जीवन मिशन तैहत 13 ज्हार 334 करोड़ रपें शा बद्द दी लागत कन्नै 3,253 स्कीमां रम्भ कीती गेदियां न। इन्दे चा 1480 कम्म करा करदियां न ते बाकी 1600 शा बद्द स्कीमें दा अददे कोला बद्द कम्म होई गेदा ऐ।

<><><><><>

Air Show

भारती ब्हाई सेना दी 93में-मी ब' रे गंड दे उपलक्ष्य च ऐहदी पूर्वी ब्हाई कमान ने अज्ज गुवाहाटी च पहले पूरे-पराते एयर शो दा सरिस्ता कीता। भारती वायु सेना नै गुवाहाटी च ब्रह्मपुत्र नदी उत्पर लासित घाट पर 25 शा बद्द फारमेशनं च 75 शा बद्द ज्हाजें ते हैलीकाप्टरें दा प्रदर्शन कीता। इस ब' रे वायु सेना दिवस समारोह अचूक अभेद्य ते सटीक विशें पर केंद्रित हा जेड़ा भारती ब्हाई सेना दी क्षमता, लचीलेपन ते सटीकता गी दस्सदा ऐ। इस एयर शो च राफेल, सुखाई, अपाचे, मिग, आई.एल-78 रिफ्यूलर, मिराज, जगुआर ते होर दुए ज्हाजें इलाके दे 7 ब्हाई सैनिक अड्डें-गुवाहाटी, तेजपुर, जोरहार, चबुआ, हासीमारा, बागडोगरा ते पानागढ़ थमां डोआरियां भरियां।

<><><><><>

Labour Deptt. Ramban

मकामी नौजोआनें गी मौके उपलब्ध करोआने दे मकसद कन्नै श्रम विभाग, जिला रोजगार ते परामर्श केंद्र रामबन ते जम्मू-कश्मीर कौशल विकास निदेशालय दे सहयोग कन्नै बक्ख-बक्ख कौशल विकास कार्यक्रमें ते रोजगार सरबन्धी स्कीमां रम्भ करा करदा ऐ। D.E.C.C. रामबन रोजगार मेलें ते सिखलाई आहले कार्यक्रमें दा मुख् केंद्र ऐ। मिशन युवा पहल तैहत नौजोआनें गी अपना उद्दम रम्भ करने ताई कौशल सिखलाई, मार्गदर्शन ते माली मदाद उपलब्ध करोआई जंदी ऐ।

<><><><><>

BSF-Marathon

अज्ज बड्डलै सरहदी मुख्यालय बी.एस.एफ. जम्मू आसेआ आयोजित पैहली बीएसएफ मैराथन-2025 गी सीमा सुरक्षा बल दे महानिदेशक दलजीत सिंह चौधरी होरें पलौड़ा स्थित बीएसएफ परिसर थमां हरि झंडी दस्सियै रवाना कीता। आपरेशन सिंदूर मगरा सीमा सुरक्षा बल दा एह पैहला बड्डा सार्वजनिक कार्यक्रम हा। मैराथन च चार वर्ग- 42 किलोमीटर, 21 किलोमीटर, 10 किलोमीटर ते 5 किलोमीटर दियां द्रौड़ां रक्खी गेदियां हियां जिंदे च जम्मू दे सरहदी इलाकें, गोआंडी राज्यें ते समूलचे भारत दे बक्ख-बक्ख हिस्सें थमां आए दे प्रतिभागियें हिस्सा लैता। मीडिया गी संबोधित करदे होई बीएसएफ दे महानिदेशक दलजीत सिंह चौधरी होरें आखेआ जे इस मैराथन दा मुख् मकसद तंदरूस्ती दी भावना गी बदाना ते नशामुक्त राश्ट्र बनाना ऐ। उनें आखेआ

<><><><><>

Marathon-Shetty

बॉलीवुड अभिनेता सुनील शेट्टी होरें अज्ज आखेआ जे फिल्म उद्योग शूटिंग ताई कश्मीर परतौने लेई पूरी चाल्ली तैयार ऐ। उनें मेद दस्सी ऐ जे इलाका अपना गवाचे दा मान पतियै हासिल करी लैगा। शेट्टी हुं' दी एह टिप्पणी अप्रेल च पहलगाम च होए दे आतंकवादी हमले दे किश म्हीने बाद आई ऐ। सरकार तदुआं थमां सैलसफे गी पटरी पर आहनने दी कोश्ट

करा' रदी ऐ जिसी इस हमले परैंत तगड़ा झटका लग्गेआ हा। उनें गलाया जे जम्मू-कश्मीर अपना गवाचे दा मान परतियै हासल करोग ते एह् म्हेशा शानदार मानै आहली थाह बनी दी रौहग। सुनील शेटी नै जम्मू मैराथान दे आयोजन ताई बी.एस.एफ दी तरीफ कीती ते आखेआ जे एहदे च शामिल होना उन्दे लेई बड़े मानै आहली गल्ल ऐ। आखेआ

<><><><><><>

By-Polls

नगरोटा ते बडगाम असेम्बली हलकें लेई होने आहले उप-चुनांs लेई हुन छड़े द'उं गै दिन बाकी रेई गे न। इ'नें सीटें लेई चुनांs प्रचार अज्ज मुक्की गेआ। चुनांs आयोग दे दिशा-निर्देशें मूजब, तय समें दे बाद इ'नें दोनैं असेम्बली हलकें च कुसै किस्मै दे चुनांs प्रचार दी खुल्ल नेई ऐ। इस गैह् दा मकसद नगरोटा ते बडगाम हलकें च होने आहले उप-चुनां गी बवस्थित ते पारदर्शी ांगे कन्नै करोआना जकीनी बनाना ऐ। केइं हफ्तें दी सियासी गतिविधिं दे बाद, राजनीतिक दल हुन अपना पूरा ध्यान औंदी 11 नवम्बर गी होने आहले मतदान बक्खी केन्द्रित करडन। वोटें दी गिनतरी 14 नवम्बर गी कीती जाहग।

<><><><><><>

Lavender-Cultivation

खूबसूरती गी नखारने ते खुशबू कन्नै सरबंधत सैलसफा गी बदाने दे मकसद कन्नै भारती राश्ट्री राजमार्ग प्राधिकरण NHAI नै बनिहाल ते काजीगुंड बशकार जम्मू-श्रीनगर राश्ट्री जरनैली शिड़क दे 16 किलोमीटर लम्में हिस्से पर लैवेंडर दी खेती रम्भ कीती ऐ। NHAI दे परियोजना निदेशक शुभम यादव होरें दस्सेआ जे इस पहल दा मकसद चौपासम मताबक थाहें गी खूबसूरत बनाने दे कन्नो-कन्नी कम्म रोजगार दे मौके उपलब्ध करोआना बी ऐ। उनें दस्सेआ जे राश्ट्री जरनैली शिड़कें दे आहले-दोआले लैवेंडर दी खेती कन्नै ना शड़ा खूबसूरती ते खुशबू कन्नै सरबंधत सैलसफा गी बढ़ावा थहोग, सगुआं मकामी करसानें गी बी लाह पुज्जोग।

<><><><><><>

Kathua Drug Control

कठुआ च तम्बाकू नियंत्रण उपायें ते चला करदे तम्बाकू मुक्त युवा अभियान दी जिला सतह पर खडेरी गेदी कमेटी नै एहदी समीक्षा कीती। डी.सी राजेश शर्मा हं'दी प्रधानता च लग्गी दी बैठक च राश्ट्री तम्बाकू नियंत्रण कार्यक्रम दी तरक्की पर लौ ते तम्बाकू बिक्री केंद्रें दी सख्त निगरानी पर जोर पाया गेआ। इस मौके अधिकारियें गी आखेआ गेआ जे ओह नियम-कायदें दी खलाफवर्जी करने आहलें खलाफ कार्रवाई, समुदायिक जागरूकता, कटोहदा करियें नौजोआनें गी इस कवैतु शा बचने ते तम्बाकू मुक्त गांs बदाने लेई तनदेही कन्नै कम्म करन।

<><><><><><>